



Broj: 16-12-16-2-8570-16/15
I. Sarajevo, 23.12.2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. (f) i g) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-8570/15 od 15.12.2015. godine, u postupku javne nabavke usluga redovnog i kasko osiguranja vozila Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u otvorenom postupku za dostavljanje ponuda za javnu nabavku usluga redovnog i kasko osiguranja službenih vozila Državne agencije za istrage i zaštitu

Član 1.

Prihvata se preporuka Komisije za javne nabavke broj 16-12-16-2-8570/15 od 15.12.2015. godine u otvorenom postupku za dostavljanje ponuda za javnu nabavku usluga redovnog i kasko osiguranja službenih vozila Državne agencije za istrage i zaštitu (u daljem tekstu: Agencija), za koji je obavještenje o javnoj nabavci broj 1161-1-2-1028-3-39/15 objavljeno na Portalu javnih nabavki 06.11.2015. godine i okvirni sporazum za period od dvije godine dodjeljuje se ponuđaču „Sarajevo Osiguranje“ d.d. Sarajevo, Filijala Banja Luka, ponuda broj 16-12-16-2-8570-14/15 od 26.11.2015. godine, za ponudenu cijenu od 67.218,83 KM bez uračunatog PDV-a, kao najpovoljnijem ponuđaču.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaz o ispunjavanju uslova iz tačke 12. Tenderske dokumentacije (original ili ovjerena kopija).

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2-8570-1/15 od 05.11.2015. godine pokrenut je postupak javne nabavke usluga redovnog i kasko osiguranja službenih vozila Agencije, procijenjene vrijednosti 67.000,00 KM bez uračunatog PDV-a, putem otvorenog postupka za koji je obavještenje o javnoj nabavci broj 1161-1-2-1028-3-39/15 objavljeno na Portalu javnih nabavki 06.11.2015. godine.

Obzirom da je tačkom 23. Tenderske dokumentacije navedeno da je rok za dostavljanje ponuda 26.11.2015. godine do 12,00 sati, to je Komisija za provođenje postupka nabavke (u daljem tekstu: Komisija) dana 26.11.2015. godine u 13,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno četiri ponuda i to:

Redni broj	Naziv ponuđača	Vrijednost ponude (bez PDV-a)
1.	„Bosna Sunce Osiguranje“ d.d. Sarajevo	106.519,32 KM
2.	„Dunav Osiguranje“ a.d. Banja Luka	85.258,70 KM
3.	„Krajina Osiguranje“ a.d. Banja Luka	83.101,71 KM
4.	„Sarajevi Osiguranje“ d.d. Sarajevo, Filijala Banja Luka	67.105,86 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji u smislu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti.

Uvidom u sadržaj dostavljenih ponuda Komisija je utvrdila da ponuđači: „Bosna Sunce Osiguranje“ d.d. Sarajevo, „Dunav Osiguranje“ a.d. Banja Luka i „Sarajevo Osiguranje“ d.d. Sarajevo, Filijala Banja Luka ispunjavaju kvalifikacione uslove i formalno-pravne uslove iz Konkurentskog zahtjeva, dok ponuđač „Krajina Osiguranje“ a.d. Banja Luka ne ispunjava kvalifikacione u pogledu ekonomske i finansijske sposobnosti.

Kao jedan od uslova da ponuđač ispunjava kvalifikacione uslove u pogledu ekonomske i finansijske sposobnosti Tenderskom dokumentacijom traženo je da je odnos broja prijavljenih i riješenih šteta u 2014. godini veći od 70%, uz uslov da se procenat računa na način da se u brojniku uzima podatak o ukupnom broju prijavljenih i reprogramiranih šteta, a u nazivniku broj riješenih šteta za navedeni period, s tim da su podaci iskazani posebno za osiguranje od autoodgovornosti i posebno za kasko osiguranje. Kao dokaz ispunjavanja navedenog uslova ponuđači su u skladu sa Tenderskom dokumentacijom bili obavezni dostaviti potvrdu nadležnog organa (Agencija za nadzor osiguranja) u kojoj je naveden odnos primljenih i riješenih šteta u 2014. godini, izražen u procentima.

Ponuđač „Krajina Osiguranje“ a.d. Banja Luka kao dokaz ispunjavanja uslova ekonomske i finansijske sposobnosti u pogledu odnosa primljenih i riješenih šteta u 2014. godini dostavio je akt Agencije za osiguranje Republike Srpske broj 03-310-26-2/15 od 10.08.2015. godine, prema kome je kod navedenog ponuđača na dan 31.12.2014. godine

odnos prijavljenih i riješenih šteta iz osnova autoodgovornosti 67,80%, a odnos prijavljenih i riješenih šteta iz osnova auto kasko 77,78%. Cijeneći dostavljeni dokaz Komisija je konstatovala da je kod ponuđača „Krajina Osiguranje“ a.d. Banja Luka odnos prijavljenih i riješenih šteta iz osnova autoodgovornosti u 2014. godini manji od 70%. Obzirom na naprijed navedeno ponuda ponuđača „Krajina Osiguranje“ a.d. Banja Luka nije dalje razmatrana niti je bila predmet vrednovanja.

Tokom provjere računске ispravnosti dostavljenih ponuda kvalifikovanih ponuđača Komisija je kod ponuđača „Sarajevo Osiguranje“ d.d. Sarajevo, Filijala Banja Luka konstatovala greške računске prirode u Specifikacijama br. 2. i 7., koje se ogledaju u sljedećem:

- U specifikaciji br. 2-premija za redovno osiguranje teretnih vozila pod rednim brojem 2., Kedi WV (nosivost 500 kg) u koloni 7. (broj vozila) stoji broj 5, u koloni 8. (cijena premije osiguranja na području Republike Srpske, bez PDV-a) stoji 312,57 KM, dok u koloni 9. (ukupan iznos premije osiguranja na području Republike Srpske bez PDV-a) stoji $5 \times 312,57 \text{ KM} = 1.450,35 \text{ KM}$, a treba da stoji $5 \times 312,57 \text{ KM} = 1.562,85 \text{ KM}$, dakle radi se o pogrešnom množenju kolone količina sa kolonom jedinična cijena, što je dovelo do razlike od 112,50 KM;

- U specifikaciji br. 7-premija za kasko osiguranje sa uključenim rizikom od krađe za 2015/2016 godinu, navedena je ukupna cijena bez PDV-a 4.242,70 KM, a treba da stoji 4.243,20 KM.

Navedene greške računске prirode u Specifikacijama br. 2 i 7. prouzrokovale su greške računске prirode u Obrascu za cijenu ponude koje se ogledaju u sljedećem:

- pod rednim brojem 2.- premija za redovno osiguranje teretnih vozila, u koloni ukupna cijena iz specifikacije bez PDV-a umjesto iznosa 3.712,44 KM treba da stoji iznos od 3.824,94 KM;

- pod rednim brojem 7.- premija za kasko osiguranje, u koloni ukupna cijena iz specifikacije bez PDV-a umjesto iznosa 4.242,70 KM treba da stoji iznos od 4.243,20 KM;

- u Obrascu za cijenu ponude umjesto ukupne cijene bez PDV-a 67.105,86 KM treba da stoji 67.218,83 KM.

Obzirom na konstatovane greške računске prirode Komisija je u skladu sa članom 17. st. (1) i (3) Uputstva za pripremu modela tenderske dokumentacije i ponuda („Službeni glasnik BiH“ broj 90/14) od ponuđača „Sarajevo Osiguranje“ d.d. Sarajevo, Filijala Banja Luka zatražila prihvatanje ispravke grešaka računске prirode. Ponuđač „Sarajevo Osiguranje“ d.d. Sarajevo, Filijala Banja Luka je aktom broj 16-12-16-2-8491-18/15 od 08.12.2015. godine potvrdio da prihvata ispravke grešaka računске prirode, te da ukupna vrijednost ponude iznosi 67.218,83 KM.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača koji ispunjavaju formalno-pravne uslove iz Konkurentskog zahtjeva, primjenjujući kriterij najniže cijene tehnički zadovoljavajuće ponude iz tačke 20. Konkurentskog zahtjeva, te sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a)
1.	„Sarajevo Osiguranje“ d.d. Sarajevo, Filijala Banja Luka	67.218,83 KM
2.	„Dunav Osiguranje“ a.d. Banja Luka	85.258,70 KM
3.	„Bosna Sunce Osiguranje“ d.d. Sarajevo	106.519,32KM

Nakon sačinjavanja rang liste ocijenjenih ponuda Komisija je konstatovala da ponuda najpovoljnijeg ponuđača „Sarajevo Osiguranje“ d.d. Sarajevo, Filijala Banja Luka premašuje procijenjenu vrijednost nabavke za 218,83 KM ili cca. 0,33 %.

Komisija je aktom od 09.12.2015. godine, od Sektora za materijalno-finansijske poslove tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove je aktom od 14.12.2015. godine dostavio Komisiji mišljenje da je u budžetu Agencije za 2015. godinu moguće obezbijediti dodatna novčana sredstva za realizaciju predmetne nabavke. Uvažavajući dostavljeno mišljenje Sektora za materijalno-finansijske poslove Komisija je ponudu ponuđača „Sarajevo Osiguranje“ d.d. Sarajevo, Filijala Banja Luka, ocijenila kao najpovoljniju

Shodno navedenom, prihvaćen je prijedlog Komisije i odlučeno da se predmetni okvirni sporazum dodijeli ponuđaču „Sarajevo Osiguranje“ d.d. Sarajevo, Filijala Banja Luka kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x,
- Sektoru za mat.-fin. poslove,
- a/a.

